

續

耆

舊

續耆舊卷六十九

諸遺民詩

朱隱君錡字二如諸生錢之弟也

和陸無文移居

出居即似適長林此日江皋得素心  
家近小山移桂樹第燒芸草  
辟衣蟬清尊客到留花下長日沙  
成就竹隱亦欲尋高士  
隱杖藜  
應許入雲深

結廬露外舁偏蓬好換出琴送落鴻  
樹影更深遲素月花香暮晚  
逢輕風時看白鶴歸湖上却聽黃鸝  
到谷中村北村南野水潤  
幽舟未往共漁翁

林隱君際隆字符一侍郎隆棟族弟也

西明兄翳目重明

兩儀利太極日月發其光朔望有食之厥應在玄黃惟人配天地  
眸子司陰陽照物無遐情燭我眇秋芒異哉三兄氏左目偶為翳  
一翳十九年不施金篦計日月既而食乾坤既而瞶夢、視彼蒼  
冥、一朝霽朝霽如佛灯千岩夜不蔽生苔非否厄于今豈泰亨  
收視完內美開眼覩昇平豈皆未可知勞君問太清太清甯無意  
至人有長明玄黃還兩大日月晝夜行相與息厥机澄然水一泓

楊公子秉惺字僧朗按察使政德子也林國博為按察使壻故僧  
朗舉林氏兄弟最多唱和

林西明七十

蒼、葭露月盈庭醉月于今七十齡  
頭老未添雙鬢白  
逃名時引一尊清  
寒松倚座盤虬輪  
秋菊迎人展鵬翎  
携我閒身陪洛社  
相期歲月樂攸寧

周隱君志文字西人亦浮石之支然今問之周氏無知之者

客有自北歸者憐其老而贈之

尺馬胡沙染欲黃  
白頭落魄却征囊  
關山猶是秦時月  
鬢鬢長留塞上霜  
赤伏有符悲戛暮  
青萍無限伴顏蒼  
詢君才子經過路  
泮裏零丁泣數行

聞隱君性善字與同性道之兄

登天封浮園次林殿颺太常韻

直上高峰倚曲櫺  
四圍空色繞無端  
騰騰遠樹罕無沒  
斷落孤村烟火殘  
黃鵠御風猶自下  
金莖承露未辭寒  
去來今亦靈彈指有  
盡何曾天獨寬

雖然湖漲沒平沙  
大海于今淺更加  
招宝山南浮竹嶼  
下番灘畔引桃花  
婆娑不嫁堂蒸雨  
雙豸加冠對綺霞  
我欲乘風破萬里  
長空波湧月輪賒

陸隱君筵字經玉

挽太原通守喬還一先生

吁嗟乎雲悠、今天蒼、泰山哉、今詎可量遠襲洙泗修淵脈  
倬然雲漢昭文章灝、天地盡寥廓孰能起扶乎積累之復絕而  
動當代之帝王君不見南喬夫子神靈嶽降豈靈擬佩服上修淹  
貫諸史仲尼其復生孟氏終不死淄、子雲筆列、睢陽齒學士  
殺青絕盛節天子携形揚備美吁嗟乎頭觸不周天破裂齧柱傾  
圯地維折泰山頽兮東山頽先生携杖何徘徊生芻在案箕馭未  
回聽我浩歌、泰山一歌泰山兮歌未殘席成門下誰為歡再歌  
泰山兮歌已闕只今空望斗杓寒

楊隱君文沆字灝仙尚宝丞桂周之孫也極之于詩有祖武風最孝  
居親喪致哀同人為之賦心廬篇今其集不可得矣

稍索撫無文之招

天意惜高公放茲一刻晴群賢盡畢至獨坐誰能驚已作乞米客  
犹然貪麴生何期依人鳥還逐磯頭盟

閑慢作新婦景宗本貴人平安報街子小杜豈惡賓終席不更醉  
一年豈再春念君天欲各努力增數巡



傳隱君濤字禹生

挽太原通守喬還一

老鶴凌空烟、去前山濕邈、振古言遺書誰為集千載有出貞  
斯心惟獨立獨立不可羣青雲蒼梧泣

陳隱君軫字開遠

陸無文移居次句

意中如已入芳林想像幽居近素心落日遲歸飛倦鳥好風代掃  
辟餘蟬柴門委宛藏之徑雲木扶疎轉衆陰自是墻東高臥穩不  
關泉石錮人深

莫以遷喬嘆轉蓬蕭條高寄過冥鴻避將襍穢違時習企彼羲皇  
得古風栽酒勞人懷物表探奇引我入園中小山叢桂清溪野芳  
躑于今屬放翁

董隱居士相詩傳俱失

卷之九

五

楊海草堂

陸隱君燕字壽朋一字天祚

輓太原通守喬還一

古樹江雲隔高峰泰華連此存千古事只在一灯傳種石還魚服  
添松贊鶴田通和佛有遇借問在何年

董孝子師儒字扶興

輓太原通守喬還一

佳坐墨雲封洪濛五夜鐘白頭友蜩蚪丹壑隱夔龍帝曰膺嘉祥  
時維佳異蹤典型徒悵望日暮渺寒峰

應香岩雄

偶成

曾讀先師半部書  
自慚臨難未捐軀  
剩餘血路依然碧  
留却頭顱  
竟是靈前進士亦  
未草莽故諸生敢  
說襟裾  
江潭大有行吟客  
不是昭閭即景閭

張隱君賓字明配居東村之大蒿慷慨牢騷不可一世丁鼎革之  
際不就試教授山中以失訪俱散失施教授滄濤為予誦其句  
曰歌風近日多從北吾道何時得向南可為傷神

訪友題梅溪亭上

吳囊我輩訪山家水曲雲橫道路賒莫道近山多冷落醉人清思  
有梅花

周隱君嗣芳字紫芝

挽囊雲

問世誰能了却身只緣身不耐今人高峯埋髮仍留髮空谷安貧  
豈爲貧碧血自成千古事鋤烟止爲一山春憑將此地尋閒跡幾  
許躊躇託刻瀆



陳隱君鵬起字六息

自題留餘堂

數弓矮屋能存僻倚南城亦是村香到菊叢懷栗里紅飄春雨  
憶桃源悟將世事殘棋局消盡閒愁老瓦盆書卷尚留高閣裏不  
餘無在兒孫

朱隱君易元字元生號得得一能文亂後弃之善岐黃術時興臺  
雲道人放懷山水間著有間雲集

續耆舊卷七十

諸遺民詩共二十七人

范孝子洪震字驚百其父億至孝方總角時徒步走數千里覓父遺骸孝子行誼酷肖其父年十二失恃晝夜哭踊宗党已目為孝子後父疾百方營治終夜不就枕勺漿不入口刺血書疏露禱祈代病且篤診者辭曰胃氣絕矣殆不可救孝子涕泗嗚咽先不欲生醫亦惻然淚下既而曰或穢辛就有活理能嘗之乎孝子遽嘗之驚毒曰味犹辛也醫為下利病遂瘳孝子其管江杜懋俊交懋俊死節忽觀其從子琦于流離播遷之後慨然謂未葬當于我葬無嗣吾當屬子嗣之因出資命琦完其寔窆後以餘置田使得歲時展祀家世業醫養親延請者如市貧不受酬且不責藥值歲稔設粥以食飢者道拾遺金坐候其人還之

凡拯救人疾苦挾扶服人喪葬錫類之事指不勝屈故孝子病  
城鄉之民來問疾者雲集禱者卜者禱者親為料理湯藥者不  
絕于道其卒也哭之者數千人至今且五六十人道及孝子無  
不曰長者長者而董文曉山之言曰孝子自易姓以後頗傷于  
酒醉後其嬉戲佯狂無此不為竟以此戕其生夫孝子非不知  
守身之戒者願有意為此、其中之耿、者不當僅以閭巷善  
人目之矣

### 夢父

無門趨定省顧影泣號、篋剩琴書澤堂留馨效報雖悲形香邈  
猶幸夢分明聚首無多群雞凡五更

### 泊北渡

渡頭寒月上獨酌待潮生遠岸來人語空江落雁聲楓明秋色老

山暗暮雲平好景撩人目幽懷詩思清

晚步

就榻忽復起爰此晚風清又手步空堦小犬吠數聲徘徊新月上  
庭牖光彩生銀漢轉寥廓我懷亦清明俯仰領真趣翕然暢幽情

李隱君木字少泉

耕讀堂夜坐

何者還如昔吟詩興未更空庭遲月上落葉亂蟲鳴世澤承無恙  
秋收幸有成老農吾願學墨稼畢餘生

林秀才弘璣字翌然國博祚隆子也天資高敏穎秀絕倫人稱仲  
學未冠為諸生高等十六歲得疾二十而逝此著有韻易雜言  
其萬葉叔小樓讀易和韻

靜心其易悟更上幾層梯有意迎相解無言坐自出雲山園屋香  
水供齋頭竟得玄珠日鑒歸未足求

林隱君弘琅字煥若號擲青侍郎隆棟子弃諸生有苦節

書齋立夏

櫻桃內熟蔗漿寒曾被天恩錫大官家塾閒身傳句讀國柄稽首  
拜衣冠驚心夏政犹疑誤目斷春歸敢卜歡落魄乍逢開口笑香  
吹豆勉加餐



楊文學式傳字雪岩堂館于詒溪曹太僕遠思家因葬墓石圓石  
十棺者即其人也

奉謝遠思先生

一門殉節無遺卵魄散荒原久未藏子夜貞魂悲冷月清墳秋厲鬼  
笑發霜古人不惜黃金重故國重白骨香從此墓前春草綠猶餘  
膏雨浥幽芳

董隱君霍字上清通判應節子也諸子生丙戌以後弃之通判為  
右都子其羣從有名者為推官德欽卒豫五君子之難或曰上  
清亦恭其謀幸得脫遂遁入西舉之潘勳悒、而卒即戊子歲  
也臨終以此作詩殉之棺故無存者

楊隱君遜字進父

贈某節母

真宰播淑氣坤貞扶顏綱卓哉節孝女彤管靡可揚豈不志殉軀  
而乃矢未亡繞膝有邈孤高堂有尊嫜矧茲遺腸胤于我訓義方  
令名日以起長年捧露觴侑以白雪詞瑞玉紛相望三復重掩涕  
史乘生餘光感此孝子心永懷母桑

陸隱君經蓴字崇古

雲石

拳石半埋怜物色何緣此日識參軍居然城市成奇隱  
猶恨蒼苔露錦紋冰骨但沾三昧雨靈根不斷四明雲當  
今豈必無顛米儘有新詩動石氛

李隱君禾字澹園砌里諸李之一也有隱德族子文胤過其家贈之詩云回輿知栗里對宇見龐公者也

淡園

淡然無願坦生平苔草班、一徑盈雨歇天開新日出春來花向舊根生屋添瓦覆林初定書藉陰垂眼更明應謝白頭諸老在窺予此日閒門情

沈處士先乘字彙吉刑部孔皆子

楊南仲六鶴齋詩有投艱策窘步如貧撐飢腸之句感而賦之

遺大常懷履屨憂朝謀也不廢歌謳姬文節鉞猶臣服顏子簞瓢無怨尤時遇艱難常惕道當窮困忽忘讀公詞賦珠琅重更佩斯言日夕抽

邵隱君范字希文

六旬漫咏

一生碌、幾時休。虛度經過六十秋。乞巧無文慚腐拙，晒書有腹  
看空浮。前程已若潮中月，往事真同水上沤。惱殺世情，覓未破一  
場春夢，任人憂。

邵文學灝字希梁

清明漫咏

飄泊無依似轉蓬  
芒屨緩步御東風  
新苔滿迳連波綠  
羣鳥分枝逐杏紅  
白骨幾千古  
盡荒邱  
累一身空  
漢家帝業今何在  
穩坐寒江只釣翁



章隱君光祺

挽囊雲先生

睇盼人間問古人  
空山剩得此間身  
割來雲水情如拭  
輸與冰霜味自辛  
瓢袖久分枯木冷  
哭啼不逐野鳬春  
齊心漫道生天易  
忠孝還看成佛真

周隱君嗣訓字愚山證山嘗受業也

讀囊雲集

未經身死血先流滿紙鮮、今不收削盡烟嵐山頂骨劈開天地  
句中愁已無鬚髮非僧俗剩有雲囊是壑邱讀罷遺文如晤語恍  
然身入茅峯秋

錢隱君若宸字德葵一字衷柴又號八獨散人諸生負性嚴毅子姪輩多不敢望見顏色尤嗜酒脫畧不羈喜為詩兀坐樓頭朗誦之殷達于戶外此遺詩編皆公手閱惟括蒼一集僅存錄數什可慨矣

春日唯齋招飲重過

雨雪窮陰積春心淑氣移鳩呼林下婦燕哺出巢兒未得浮滄海  
先來泛漢陂塵心望雲路終是隔重籬

錢孝子若靈字君寔，桓陽峯孫。最孝，繼母戴氏得危疾，禱于天，願捐己算一益母載氏，遂愈。後十二年母卒，亦隨逝。著作甚夥，惜以交亂後皆散失，得斯三首，諷誦之餘，令人多不盡之思焉。

花朝書事

雨餘泥滑野塘渾，刺無人靜掩門。  
手健翻書祛俗累，眼昏試墨就朝暾。  
聊求市味烹魚婢，已見園林長竹孫。  
老子隨時閒杖策，柳花麥浪綠搖村。

西湖散步至酒家

貌、弱柳段橋頭，喜得初晴趁早游。  
潑面風鬟依浪起，隔堤烟簪滿林收。  
芒鞋草沒尋幽徑，野市人稀上小樓。  
兩頰微紅知酒力，清狂猶自逐輕鷗。

朱文學維鏞字綠雲同知松江府勛之從子其湖南草高都御史  
葛祭酒皆為之序

答贈范香谷

開戶塵緣隔紫扉盡日向春光浮酒白草色逗盧青壯志期題柱  
談玄侈說鈴鐺徧屬故物寧止松窮徑

朱文學廷試字聖簡有章谿集

移居

匡坐觀今古高門遠故新  
野花飛送客梁燕語迎人  
久負居鄉約何能免俗情  
白頭歌耕鑿瀕海一遺民

朱文學金鑑字千秋有玉炤堂集

寄諸弟

去國三千里辭家二十年河山留破碎巾履慎周旋  
楚越風難及松楸夢多懸天涯兄弟老相問慰拳

種松

怪石添新侶修篁結素盟蕭疎憑歲月磊落見生平  
樹底琴三弄枝頭鶴一鳴棟梁尚有待不負後凋情

朱文學志洽字右韓

鷺問

鷺問釣黨僕廷收受繫何須事咎繇野鳥漸休張密羅江鯨吹浪  
沒清流棘林鬼泣三更路次郡霜飛六月秋世法不疎寧自慎山  
川滿目正悲愁

登天封浮園次林殿勳太常韻

直上危樞屬大荒長江落照故蒼、西樓月滿笙歌起貢舶風清  
劍氣湧生計漁樵方外指人烟疎密望中量廣寒微颺昨夜動吹  
下天花幾陣香



周隱君朝秀字

林西明生壙詩

九原可作更誰歸  
水繞峯連山蕨肥  
不特遠觀如表聖  
半生風格亦依稀

全太學天麟字靈明孫泰徵先宗正公次子也工隸書湖上林泉  
雅會皆鄉老其以布衣豫之者汪長文其先生其後管先棘亦  
參之負鑑紀畧內有詩

傳隱君湄

董隱君德崗

萬隱君斯年字祖繩晚號淡菴梅菴先生長子也梨洲先生志其墓曰斯年從錢忠介公學忠介高座弟子君為第一俄逢喪亂劍戟孤矢鏖然遍于城市居民惴惴無不閉門聽難而君讀書不輟伊吾之聲達于戶外家人共止之暫息而作以此尤君不恤也避地累遷家貲盡棄悉載其書卷以行晝則偕老農雜作夜則擁書集子弟雋頌講解非雞鳴不止篤于好學如此其後坐桃源書院學者踵趾君隨其資性分經授之又廣之以三史八家不僅荒速場屋之業而已以是來就者多人晚從道士卽堯生遊得其玄門運氣之術行之數十年不懈恍然自謂有得予觀金元之士多趨于老氏故全真之教興近日為釋氏牢籠從老氏之學者寥矣大江以南施良生以符籙鳴卽堯生以玄功著君獨死心于堯生為永年之學則亦全真之流亞也

得毋以逃儒疑之雖然王就溪之調息林龍江之艮背儒者未  
嘗不假途于此以困其聰明是或一道也君子三党皆有恩意  
忠介死于海外收其文集又為其立嗣子師徒之情亦非常人  
之所能及

張文學定陽字西隱不知其以自出吾鄉張氏其列于四姓之一  
者槎湖之張也尚有西郊林村之張則為湖後人西皋雍睦堂  
之張其東郊邵溪堂谿洞谷之張皆出自文節又有東皋白齋  
之張而城中君子堂之張自慈水來若其寒門下戶則不勝數  
文學于易姓之時有詩名顧近人竟無知者予于枌社先輩留  
心亦未嘗知有此人無錫錢肅潤作無家詩遺民屬而和之數  
十人長洲姚侔為之摘句吾鄉豫此集者三人錢徵君允緒慈  
水馮大行愷章其文學也徧訪諸張莫可考索則亦末如何已

續耆舊卷七十一

北郭八子詩之二

北郭唱和諸公雪蛟曉山二先生為盟長已見前帙白石畊居士徐位曰燕石居士陸緒甲曰竹畝翁楊渭皆不可得今取傅陳二先生集合為一卷葉天益亦別見

傳隱君攀龍字容鏡一字容敬監軍奇遇之子也監軍于錢忠介公為中表兄弟而先生又張尚書之甥也乙酉六月父子荷戈從事見忠介疏其後監軍輾轉牢獄先生亦存歷患難尚書詩云初聞購孺子何幸脫縲中者也亂定遨遊諸幕府然其耿者卒不可忘此著有尺木集其侍排界之氣盈行墨間可以想見其人卷帙甚富惜多散失先生弟人龍亦在忠介幕府

采蓮曲

芳塘朝氣爽微風發松籟吳姬薄舟人不覺蓮子大碧波照紅顏  
搗手濕裙帶但見眉痕顰欲語愁無奈

秋懷

平林有茅屋狐兔穿我谷東南有桑田犬豕食我菽我思除殘虐  
一舉剪其族乃彼方狡、惟尔亦碌、

唁錢氏諸表叔

君今不死欲何求故國飄零無處投萬里山河仍故道兩京宮殿  
盡荒邱淒涼風雨驟寒夜蕭索藤蘿捲暮秋莫道半生逢世難且  
將五柳慰殷憂

吳中書懷

館娃宮內彩雲空剩有笙歌入夢中震澤烟波歸范蠡姑蘇風月  
傲梁鴻鐘鼓近雲双橋夕漁火然時一鏡紅廿載滄桑重到此眼

前景物迥非同

九日書懷

此生半在亂離中又見萸香泛酒紅  
避地不妨操短插逢時誰復  
越長風兩京寔錄愁無筆八代斯文嘆未工  
徒把少陵勦國志何由腋羽問蒼穹

寄懷陳峽兄

閩中風物近如何可有明珠隱薜蘿  
數載魚書三徑香半牀蝶夢  
五更多聞呼白墮因尋菊靜寫黃庭欲換鸞  
待訪仙津迷處此肯人曾向武陵過



詞水陳隱君峽者字木石豫碧園起龍曾孫丙戌後不應試已而  
以多難嘗一出補諸生然旋弃之未嘗顧科舉也介潔自持取  
予不苟其在北郭諸子中尤其容鏡相得多唱和先生為旄都  
都督二華外孫都督子仲吳珣王事先生藏其遺文予採詩之  
役求之已不可得犹幸先生之集無恙也

或疑先生不得復為遺民予曰元氏中州集南冠一集姚  
孝錫亦嘗仕聖遺山原其心而進之是則其例可援也

### 河西傭

河西傭乞市中全城池冷起寒風蕭蕭葛衣當三冬莊浪豪家工  
作微羊裘之上覆葛衣葛衣縷不忍脫葛衣出雲真何奇市中  
牛酒約一斗道上乞兒俱作友嗚哭泣不絕口客至河西訪故  
人倉皇還向南山走埋塵既已忘辱榮何事頻采識老叟昔年寸

心幾斷絕今時流淚向此夕弗殮我弗埋我西北風高一把火魂  
上升魄下墮遙望金陵幽恨鎖乾清宮內誰人行空有江南烟雨  
裡

醉時歌

醒時不歌醉時歌滿天風雨將若何西去崑崙題虎豹東奔桑海  
惟鼉鼉客子遨遊在天末涉淵履冰屐蹢躅山鬼跳梁白石中狐  
狸雜亂陰霧蒙但使伎倆有時盡不聞不見真無窮章甫衣冠寧  
獨著邯鄲步履羞雷同掘泥揚波嘆無術喔伊嚙兒復不工時宜  
未合滿腹寒車輪此至悲途空惟當沽酒市鷄豚白眼大哭過黃  
昏脫穎時臥青苔上杖老獨看南山雲酣過已覺世情遠何妨日  
雲鷄鷺羣

海昌書懷

落魄游吳楚終年別故塵風檣天外濶星駕道中靈啼鳥春心寂  
私花夜影疎夢間頻嘆息應不為鱸魚

感亂

殺氣橫空接紫宸九門敗績入黃巾關中徒有三千里海上曾無  
五百人野鶴栖殘荒壘月杜鵑愁結故宮春

土半

夜長虹貫碧旻

生吊張甬東詩

孤矢失險天狼奔替掃圍營十二屯紫垣驚顛天街圻羽林飲餞  
腥風血誰碎金甌甌浙東燐火燒殘洋水東欲起奸回問楚囚山  
河捲席英雄羞躬提義旅二十載鯨鯢未葬身還在赤火光寒孤  
日懸海內半壁犹撐天飲馬長川金雞出臨門花月吹簫策窅蒼  
陰為位計故使波臣衣冠繫天奔柱崩天星落北人欲呼南

人惡渺、白雲何處家間閑極目黃塵起信國依然念後嗣忠介  
其君忘其支碧藏黃蘗哀猿啼身繫錢唐江楓吊龍出鼎移傷厥  
心無計回戈悲陸沉一身怒激鵠夷魂銀濤欲雪鵲啼痕萬古青  
天補未完女媧鍊石沙成團為楚為漢髮盡枯滿眼吳亡西子湖  
仰止前賢幸分席武穆悲深墓州白立節何須論後先今日東陵  
甬東傳可憐生祭些詞古愚生敢效王炎午

死吊張甬東詩

嗚呼先生之死、得此一死千鈞何足苦文山其羣疊山倫先後  
唱酬等律呂憶昔先生早冠軍龍門鼓鬣乘風雲家穀克振詞林  
色少年磊落英標開廿載身殉毫社祚寧為趙苞母徐庶有父招  
之不肯來厯、金言就可溯先生飄泊次蛟閑桑滄海田咫尺間  
支天碧血誰與祭收骸不及葬明山嗚呼兮鸞嶺為俎湖為樽浙水

汨竭風穀吞生吊先生之忠悃死吊先生之忠魂攬此轡兮探天  
根呼上帝兮叩玉闥胡為厓山之歆焚于滄州之屯蟲賊內訌非  
艦沒義穀烈、天地揭從此高皇一綫淪誰留百鍊孤臣骨君不  
見常山舌亡睢陽齒幾見人生得無死千古綱常君獨扶奸雄賣  
國亦哀止

續耆舊卷七十二

諸遺民之二

錢布衣豹字文蔚弭空亭吳越武肅王之後宋末有隱君子惟塤者其高友文來居鄞隱于東湖山中因名其里曰高錢先生少有才錢忠介公未達時以同里同姓厚期之已而世亂遂有苟全性命不求聞達之意不復進取國亡周文惟一王文水功社榆林其唱和甚矜重不妄與人道而先生獨時之過故得其懽則周王二先生為之下榻在湖上則徐文我庸方避兵青雷晨夕過從偶入城則主高丈辰四隱學家諸錢則法廬退山皆其素心退山堂曰文蔚不涉世味穆然靜達性跡蘊蓄蔚為教詩家枕東錢湖上水光上下山靈互答老衲黃冠皆其心地渾然元氣淡永故其詩有事柳者有近常儲者有近陶者水功亦曰

文蔚之詩魂清想遠神貺淡陬周證山曰柳州詩云始至若相  
得稍深若忘疲文蔚之詩近之臨終書一綫云獨立對蒼天生  
平無大悞昔年如是來今日如是去論者謂榆林吟社周王自  
且靖節先生善刻遺民之徒典具集中詩八百餘余為錄其尤  
者

題泰山圖

泰山泰山望何極落葉秋光奇秋色千峯萬峰旦下隨中有老人  
吟玉笛吐吞雲霧卑斗牛滄江一杯扶桑仄君今稽古主者誰七  
十二家人不識

秋夕作

白髮垂多少晚來梳更無窓虛看月滿林下駐雲孤入夢人千里  
援琴酒一壺半生為孤客吾亦不知吾

壬子

寡過無奇策懷刑早課耕  
煮茶霜後葉讀易雨中燈  
老去友游少誰知月旦評  
柴門常自掩閒散伴黃橙

清閔橋

聞道清閔上恍然知音非  
折花月在手拋石水衝衣  
獨立萬峯靜閒吟一鶴飛  
聽流縱隨目何處不春歸

湖上

陋巷誰相問錢湖自可游  
尋僧先看菊飲酒便登樓  
遙望剡源遠傷心黃蘗秋  
吟餘憑小檻誰知我商漁

老人

老人似相識相邀過古堤  
燈殘數點雨情重一笠簫  
動靜知高尚山川識品題  
手談三兩局籬下小猿啼



新歲

新歲新看歷日長  
憲開小霽尚淒涼  
天荒地老誰賓主  
古往今來幾否臧  
意外榮華傳白簡  
日前笑語共黃梁  
老夫具別摩醯眼  
只看梅花生草堂

宿小西天

一自清風為伴侶  
探幽直上小西天  
亭高古樹鶯双語  
山半危峯虎獨眠  
布穀歸僧引皓月  
烹葵留我霑春烟  
竹牀紙帳新第枕  
好夢相携入輞川

高隱學王阮界見過

甫田熟芋醱初成  
舊友登臨暮看晴  
白鶴一陂山上月  
悠然小酌可中庭

旅夜

江樓南望倍堪傷  
隔岸蘆花似故鄉  
風送鐘聲三塔寺  
月沉雁影一天霜

閒亭

兀坐閒亭冷似冰  
非儒非道亦非僧  
春風幾度過雙耳  
笑聽諸方打葛藤

包隱君燮字陽三號夕齋諸生丙戌後棄之少工詩兼善琴能度曲嘗賦明月詞獨為時此賞因以色明月呼之胡京兆鹿亭序其詩曰夕齋負才最高飛揚跋扈目無一世既遭喪亂浮沉閭閻多為災徵之報已而飢火驅人碎琴而出遠游京洛不能不委蛇貴遊間然其登高吊古胸中磊塊有不可消滅者倦游而歸環堵蕭然而謠歌出金石浩、落、如故也頗足以盡夕齋之生平予取即以為其佳

自夕齋晚為京兆及黃戶部又堂座客里中少年意其為咸淳以後人物予特列而進之使列于國初諸公之前因歎是詩遺民如死界嘉堂隱學諸先生相戒不其時賢時貴遷往良為高節然而布衣報國必欲其杜門却軌以餓死于窮谷亦何容易未可以一概苛求也

東湖

憶昔避亂東走湖六月元陽萬壑枯老妻且折氣力無面皮焦死  
悲道塗屈指于今忽六秋杖藜不過心悠夜來雨歇晴泛舟七十  
二溪合一流長堤日落漁人聚烟生細網不知雲鳬鷗逐隊來復  
舟人指點沙邊樹陶公嶺下多居人一枝一葉憑有神何不化作  
十萬軍與我一掃天下塵

渡漳河

三年客燕京出門鞭在手策馬邯鄲來買船漳河口忼慨聽中流  
魏趙分左右空尋銅雀臺黃雲遮新柳

從汜水入荊陽

遙從汜水吊諸王巔巔碑殘壓草黃少雀啄來酸棗細游蜂飛去  
野葵香羣山疊水開秋爽亂葉搖紅動夕涼行去一溝騎馬路平

橋粉蝶見漿陽

重登弄珠樓有感

三十年来憶舊遊  
隨人還上弄珠樓  
滿湖積水千家繞  
亂艇斜陽九派浮  
曾與羊何同唱和  
空傳嵇阮獨夷猶  
看來徒使青山笑  
昔日紅顏今白頭

無米

休說三朝寒食天  
誰家爐火不烹鮮  
夜來我獨愁無米  
不是清明欲禁烟

春日感懷

門臨碧水接東湖  
印友曾聞一葉呼  
飯豆田家催布穀  
酒香村店勸提壺  
菜花濃漸飛蝴蝶  
芥艸肥多下鵝鴣  
最喜春來無積雨  
短筇長得踏荒蕪

續耆舊卷七十二

諸遺民之二

余隱君張字霖由一字僧似太常卿寅之後也諸生偕其弟濡並有才亂後棄絕舉業開餘杭何藝兆姚江呂仲憲居大滌山中能守漳海之學欣然慕而赴之遂祔漳海松淑高座兄弟事此最孝能養其志友愛一篤其母亦賢淑每見隱君兄弟塾中往來獨多行之士欣然歎曰吾兒如此豈懈老懷時用稱孝友之士首推重重丈夫鑑華公兄弟次之則隱君兄弟皆不言而躬行有萬石君諸子風而皆出漳海之門焉為詩梁駁方公狄謂其冲淡俊爽有六朝神味此居在李丈果堂巷中朝夕唱和其後濡以貧甚為養母計出食諸生之餽非其意也隱君今無後羣位亦無可言者予從其姻眷家得其遺稿為之選定百年灰

燼重得登望谷之列其六僅矣

悲秋

紉扇已辭握晨江白露橫鳴砧他日泪塞雁鴦時情佳氣賸双關  
妖祲逆五行何時烽火淨重沈漢西京

遣懷

烽火經年切冬寒犹護花啼烟双泪眼聽戍數殺笳長夜天涯旦  
窮陰日易科朝陽帶鳥背不敢問飛鴉

醉中聽范使者言海事

剩水殘山萬里天海雲漠漠樓船衣冠一代犹餘日鼓角千屯  
盡控旂旺氣東南潮汐裡將星千斗動搖邊應知勒石燕然事為  
美長風指顧間

禮妙峯老人塔

老人張姓諱尚賓客字卿籍餘姚明甲子舉人甲申後即  
入妙高峯結廬隱居後授石奇和尚佛法名行恂謹退安  
年八十八示寂茲山派入泮于庚辰師正東鐸勤學凡五  
載而國定

妙峯尊者昔吾師壁水芹香入座時四十餘年揮麈日三千諸弟  
及門推別留几杖宗風遠獨照龍灯新火移每憶高風睽絕後恐  
看素壁幾行詩



周布衣西字方人學者稱為勁草先生定海衛人居蘆江少善讀書父母怜其體孱稍節制之先生密入書窗俟親睡重舉灯默識又恐灯影外洩以被蒙之不至鳴三鼓不止久而其被如墨鄰有艾婦但僧其夫每先生至必整衣更飾而前或手進茗果先生逡巡却退久之婦挑以微言先生遷起不復往其婦慍言是真痴兒也先生雖介潔待人甚和易言語溫、丙戌年二十六嘆曰楊鉄崖稱老窻婢以其時矣遂棄去舉業以教授奉母時往來鄞之寶林多從之游者已亥海師、控鄞之東鄙先生奉母赴深山中猝遇盜、見先生母豈願以為富家媼用火董之以索金先生挽母大痛哭撲滅以火願以身代賊遂揮戈斫其右之將指幾歿旁一卒曰是孝子也乞舍之先生以是得免自是作書甚苦先生既久寓寶林挈家依諸生徒間或出游多

耿、不合嘗曰吾于寶林魂魄此懸、也先生于經則易書詩  
礼春秋孟子皆有圖解于史則史漢皆有論說于集則唐宋杜  
韓諸大家皆有抄註稱勁草集諸編者也而生平心跡此寄尤  
在防秋譜一篇嘗曰死後當盡取吾此著書置石匣藏之墓中  
而是篇則可以之鄭以南心史防秋譜者世俗聞牙牌之戲也  
其中有謂至尊者諸種皆不能抗先生增置其色目自天地外  
帝王將相四民下至盜賊草竊之徒皆有之而更有雲士為至  
尊者有時世俗多端天地帝王俱不能支獨餘雲士以持殘局  
而兀然能為中流之一先生自為之說其文甚奇周鄭山見之  
曰此胡文定春秋傳意也鎮人乞先生修志書或欲署名力拒  
之此著詩古文詞曰痛且集晚年居鄆城中戊辰年六十八病  
卒其實林高弔曰方伊嵩先生嘗欲以遺書付之而卒存于伯

兄家已而伯兄亦病亟貽書伊嵩令其取書以去既至伯兄又卒其子勿異已而鬻之他人伊嵩百方覓之不可得矣予之采詩也求先生之集遍訪既無知者僅從先生諸子弟家訪藏遺箋故讀今李君昌言彙為一卷因詮次其可存者至先生于諸儒最得意者莫如春秋其自序言不佞垂老忽若于春秋大有以得覺唐宋明諸儒之說皆未合聖人之旨尚在夢寐中至今日而曉然顧其書已成四十二卷而定哀二公未畢臨沒尚以為恨今胥歸亡是公之手是則尤可痛哭者也

先生讀書直造樸實頭地且為後輩師法其興實林諸子論學書曰予少鮮詣絕俗之後世必為非予一人手筆有前後互異者欲易之不能盡也朱熹公註論孟至老年往往自悔其失然其書已信于天下遂有存其後說于集中

者予非自安于矛盾亦援此例以聽後人之去取而已要  
于作文不下三四竄改不定嘗聞歐陽充公文成粘之壁  
間反覆塗改乙夜臥達旦不可席夫人笑曰相公尚畏先  
生嗔耶公應之曰不畏先生嗔但畏後人嗤耳歐公且然  
況于予乎向謂汝曹不能為斗酒百篇寧為三都十稔何  
也才不逮也尤自慚者記問甚拙于經史或憶此而忘彼  
或得一而失二時有援摭必者掇確然而後用之故每有  
此往必載游笈以行然聞蘇文忠公作文未有不類閱古  
書而後引入予亦何人敢謂隨手撫拾無失者哉此願其  
汝曹共及之先生之言真虛心近理者故備述于此

先生于周乘六書云西自閭門深山不樂其淳沉者為緣  
一叢一笠願偶麋鹿而不知者不以為笑即以為詛此不

足怪至先生清風高節自昱千古而乃憫、于古人西以今日  
斷不可當者欲以義士二字自欺也夫何地非我朝之土何人  
非我朝之民又何倉庾非朝之粟正不必為首陽頑民等語以  
自表異此謂義士當為蹈海之魯連爭帝秦奮臂之陳涉突  
起發難張良之報韓翬義之討賊駱賓王之草檄謝訪得之却  
聘而死石則如陳威之閉戶不出梅福之逃士為門卒陶潛之  
終身為晉雲士此雖不得志于今亦當取重于後而西者未能  
也如吾蛟川之韓白榆陳鴻賓文仲可鄭詞甫諸先生款冠毀  
裳逃名空谷疾風老而愈壯庶幾古人而西則師事焉而未逮  
也其敢侈談義士乎然則若西者恆河之沙九牛之毛三秋之  
葉落而甘自弃乎先生者也范子香谷乃徵西言以為先生重  
西又何敢

山夜有懷老母

惆悵何尔為獨念吾老母時節忽已移秋風折楊柳游子久不歸  
強飯如昔否未能奉晨昏斯身亦何有

親年衰日高百幾年有幾雞黍不逮存徒然悲曾氏吾欲事躬耕  
聊以勤菽水青雲已無心策笠吾恥

燃爝坐中堂橫絃忽不讀起看南枝鳥子母同巢宿無以慰離情  
愈覺增幽獨四壁杳無聞溪穀走我屋

贈薛伯瑜先生

琴書聊適老不與五山期夫子深聞道吾侪幸有師名園存蕉藕  
秋菊補新籬出逢緣今掃開梅倒接罹

絕炊

謀生計拙只孤眠依福凄凉寄一壺孺子長貧門有塵范生劣絕

嘆無烟十年家計餘茅屋八口新糧賴硯田鄰老持錢將適市相  
傳斗米價三千

咏秋四首

秋風

蕭瑟涼颺竟入秋于喁天籟感莊周枕邊思婦難成夢塞外征人  
易作愁祖道歌成寒易水登樓賦就涕荆州長風破浪傳雄烈我  
欲乘之上小舟

秋山

屋外山程幾百尋自怜老病少登臨春來杖履嫌繁艷秋到亭臺  
是苦吟在眼薜蘿堪作帶放懷溪洞尚鳴琴停雲閒賞誦三迺霜  
下青楓交赤林

秋閨

方送征人上客舟。閨中獨處正當秋。悔心何必因春柳。愁思偏能  
通御溝。纖就錦文誰可寄。搗成素練。遠難郵。昨宵夢到遼西去。晨  
傍妝臺亦自羞。

秋花

無可為歡。只愛花種來籬前。似陶家寒香不耐人。頻摘素質依然  
色自葩。金谷牡丹留月冷。甘泉楊柳愛風斜。秋來何以舒愁眼。對  
尔偏令吳倍賒。



續耆舊卷七十四

三將軍詩

乙酉六月十二日之役吾鄉省將隸于幕府者曰前宣天  
總兵趙光祖曰前淮揚關部標下叅將鍾鼎新曰前游擊  
呂忠宗曰海道標乍守備陳應斌柴雲龍曰前昌國守備  
俞國榮曰前守備 可通皆見錢忠介公疏其以諸生布  
衣進者曰台州副總兵官張廷綬後殉難曰御營總兵張  
立中曰瓜里副總兵官王來咸曰前軍總兵黃中道曰琅  
琦閣部標下總兵江漢曰瓜里叅將錢肅緒其在王武寧  
標下者曰金塘都司陳肇域此其可考者也如趙宣火張  
台州琅琦皆有詩而今不可得其有集存者張御營金塘  
二人耳而其時董密雲守正流滯山隅故不隸子其黨密

雲之才氣遇于金塘惜其集不完張御嘗詩別見西村六子中  
密雲金塘則合為一卷至于砌里諸李中尚有都司景見砌里  
文獻錄亦附焉

董游擊守正字澹子右都御史光宏從子也少負才不見售以貧  
故浮游京師得湖廣陽豫已而轉光化尉流寇方橫于楚畝天  
推官程九萬嘗至襄見澹子詩而奇之因其語則知兵九萬大  
驚輒言之巡按使者挈之使從一戎九萬之勳域招撫敵澹子隨  
行中流未渡限韻穀一曉波詩援筆立成九萬益喜已而拔鄉  
卒千餘人宵襲賊營得馬數十匹斬首數十級巡撫苗祚士奇  
其才且聆其厄于下吏為奏其功起改幕府下守備是當時澹  
子之名一日播寰鄣間磨盾之餘揮毫拔墨烏絲白紵充斥營  
帳諸將撫髯白晷上下之礼與之言歌然大都以詩西塞之而不

能盡其才已而澹子在九江南顧總兵董勝大以寧督趙光忬  
中表故光忬奏冷隸麾下時光忬方勤王大勝赴之挾澹子以  
行光忬于大勝筵上見澹子詩其函而問之大勝曰其人將才  
也適興俱去光忬大喜召興語則益謂其可當一而即奏授游  
擊且大用之而光忬還以事論死澹子亦遂謝事云癸未復將  
燕趙國難冒九死至山陽江南鼎沸道梗不得還浙東平穩始  
歸賣函以活其函以有詩或以詞尋從游楚中經年痛哭屈原  
沉水雲吊周瑜赤壁下此著益富嘆曰吾不試故藝是鳥足以  
名吾、詩詞有志于陶謝而未之逮吾詞則且追宋人然不謂  
吾鬱、以此終也此著有百花百鳥集五卷自思宗破格用人  
張任學以御史為總兵申甫以州澤為總兵陳啟新以右科為  
給事亦極文武互用之矣然張卒不能成功申則以一疏殉之

若澹子稍見頭角而不竟其用使得馳驅盡力必有可觀豈  
僅以詩人畫師見哉澹子之西世多愛其牡丹故呼為董牡丹  
時唐人黎遂球以咏牡丹詩拉場故呼為黎牡丹而澹子以畫  
配之族子劍鐔堂曰先生蓋木強人及觀其詩西翮如也至  
與之論兵則雖名將無加焉

柳塘秋色

芙蓉爛熳水天秋鴻雁棲遲可自由明月蘆花清夢穩投閒盡為  
稻粱謀

小鳥夜宿

棘林疎秀竹枝低三鳥寒多每共栖月落天空秋夢斷不知若個  
最先啼

岩菊

道人發也吳寫意在寒枝未許裁華屋堪稱護短籬素絲疑鬢若  
黃萼其冠宜冷淡無相識風霜若自持

秋海棠

秋葉早于掌仙花不事香繁陰秋雨露素艷避朝陽別有林泉興  
何須宮粉妝嫣然成獨笑思北傲羲皇

溪石

道人初起浴愛此潺湲玉雪竇眼前迷峨眉鏡中感出先生九秋  
冷氣壓三伏四壁清水中照見鬚眉條

紅梅如夢令

鮑

春色放濃如酒綴上玉顏配首拖杖隔籬看吐峭寒香鈕知否知  
否却是倚欄紅袖

都陳司聲域字旬綏一字草亭按察副使大章孫也以武部請生  
為金塘百戶乙酉六月王總兵之仁奇其才擢為副使墾金塘  
田以貢軍時年二十有八浙東既下賃一廬于市賣古書西器  
物以糊口曰淑芳齋曰貫日船曰霧陸曰影岩曰凝碧樓皆其  
轉徙廬名也陳氏詩派自山人大魯始繼之為海岱居士步丙  
戌而後光祿士京崧亡豫于海上幾社之列鴻臚寺繡梓東江  
光祿少卿之命著極多我雲道雲人幼仔者最為查職方伊方  
璫賞其詩而草亭即我雲之徒予之采詩也于幼仔之集求之  
不可得僅得其十餘首惟草亭集尚無恙因嘆草亭以年少有  
衣從我國亡家破能守故侯賣瓜之操其人足以傳其詩亦不  
可沒矣

結客少年場

結客少年場俠氣難華譜雄辨性蘇張立志尊鄒魯恥納無美徒  
羞結有錢虜若遇知心交豈分屠典賈日夕列芳尊三千客文武  
皆惜百萬金頃刻揮如土能吟祢詩雄能飲祢酒戶志許報當廷  
掃氛靖寰宇不受列王封功成即解組且冀四海豪老大終相佐

最快

最快春齋裡風和復景明門無題鳳字匣有吼龍聲插石蒲爭發  
窺簾花咲迎迨書編任俠自孫古狂生

丙戌初度時年二十九

又遇懸弧日年華儘轉車懷常悲老驥貌豈前道魚白銀貧名盡  
青尊結客虛最冷繩祖武未許慶充閭

清隱莊夜宿

獨宿莊樓夜無眠續書吟微風啟竹戶淡月挂松林白社姻緣舊

青山春屬深興亡今古事曉起聽春禽

雨夜

滿、微雨札堦滴幾聲穿玲欲擁書坐終難歇枕眠千金結客盡  
一劍報恩懸展轉增孤憤更長頻向天

有感

從來情態繁隨風輕薄親人西復東骨愈經霜千古傲顏空開笑  
一時紅青雲有路誰不羨肯使雄心對冷面窮經不為囊虛名鯁  
雖未化豹亦安有筆能吐五色花有劍能揮千大雷丹心一片留  
明主誰人是龍誰是蛇壯哉豪士財何新道不終窮始信真相如  
當年徒四壁席門今日起長貧二十四年同夢幻三萬六千客易  
散猶、兩年不欲聞璣獨耽殘可賤功名富貴有時需眼前且  
對妻兒居吳水花間舉杯酌不向侯門曳長裾陳生陳生知為誰



氏之後身何乃咄、嘆沉淪竟日狂歌無人解得清狂妙欲向狂  
中下長釣

西吳懷古

挑燈試問舊時雄勝負千秋一草叢羈越似憑君子力治吳實借  
美人功怒濤慘聽來江上戰壘愁看入望中世事不知誰定局社  
鵲隨雲泣腥風

李都司保字華宇砌里諸李之一也孫子乙酉東江幕府以都司  
守蛟閤見事不克辭歸